

METHODUS INDCTIONIS PRÆMITTENDÆ PONTIFICIÆ BENEDICTIONIS (BENDICIÓN PAPAL) (1) STATUTIS DIBUS SUPER POPULUM ELARGIENDÆ: RITUSQUE IN EA SERVANDUS A REGULARIBUS, QUIBUS A S. SEDE HUJUSMODI FACULTAS INDULTA EST, VEL INDULGETUR.

191. Admoneatur populus de Indulgencia a Sede Apostolica concessa, de præceptis operibus pro ea lucrificienda, de die, quo visitanda est designata Ecclesia, de hora denique, qua dabitur Pontifica Benedic-tio. De quibus, quatenus opus sit, etiam schedis impressis et consuetis locis palam affixis certior fiat.

Postquam statutis die et hora populus ad Ecclesiam convenerit, alta voce legantur Apostolicæ Litteræ; seu Decreta, quibus Indulgencia conceditur, una cum protestate Benedictionem Apostolicam super populum effundendi, ut de delegatione audientibus constet; et concessio ex latino sermone in vulgarem accommodatum ad populi intelligentiam conversa pronuntiatur. Populus ad suorum scelerum detestationem pio, breve-rique sermone excitetur: post quæ Sacerdos, nullis circumstantibus Ministris, stola et superpelliceo indutus, ut in Rituali hoc præscribitur, quum agitur de benedictionibus, quæ extra Missam Presbyteris per-mittuntur, ante Altare genuflexus sequentibus verbis Dei opem imploret.

ꝝ. Adjutorium nostrum in nomine Domini.

ꝝ. Qui fecit cœlum et terram.

ꝝ. Salvum fac populum tuum Domine.

ꝝ. Et benedic hæreditati tuæ.

ꝝ. Dominus vobiscum. ꝑ. Et cum spiritu tuo.

Deinde stans recitet sequentem Orationem:

OREMUS

Omnipotens et misericors Deus, da nobis auxilium de sancto, et vota populi hujus in humilitate cordis veniam peccatorum poscentis, tuamque be-

(1) Esta es la fórmula que debe usarse siempre que se haya de dar la BENDICIÓN PAPAL.

nedictionem præstolantis et gratiam, clementer exaudi: dexteram tuam super eum benignus extende, ac plenitudinem divinæ benedictionis effunde, qua bonis omnibus cumulatus, felicitatem et vitam consequatur æternam. Per Christum Dominum nostrum. ꝑ. Amen.

Post quam ad cornu Epistolæ accedat (ut in Actis Ecclesiæ Mediolanensis par. 4: Benedicet in Ecclesia ad Altare, stans in cornu Epistolæ); et stans in cornu Epistolæ, non trinā, hoc est, triplici signo Crucis, sed una benedictione, unico videlicet signo Crucis, benedicat, proferens alta voce hæc verba:

Benedicat vos omnipotens Deus, ꝩ Pater, et Filius, et Spiritus Sanctus. ꝑ. Amen.

RITUS BENEDICTIONIS APOSTOLICÆ IN ARTICULO MOR-TIS A SACERDOTIBUS AD ID DELEGATIS IMPERTIENDE

192. Benedictio in articulo mortis cum soleat impertiri post Sacraenta Pœnitentiæ, Eucharistiæ, et Extremæ Unctionis illis infirmis, qui vel illam petierint, dum sana mente et integris sensibus erant, seu verisimiliter petiissent, vel dederint signa contritionis: impertienda iisdem est, etiam si postea linguae, cæterorumque sensuum usu sint destituti, aut in delirium, vel amentiam inciderint. Excommunicatis vero, impenitentibus, et qui in manifesto peccato mortali moriuntur, est omnino deneganda.

Habens prædictam facultatem, ingrediendo cubiculum, ubi jacet infirmus, dicat *Pax huic domui, etc.*, ac deinde ægrotum, cubiculum, et circumstantes adspersat aqua benedicta, dicendo Antiphonam: *Adspegas me, etc.*

Quod si ægrotus voluerit, confiteri, audiat illum, et absolvat. Si Confessionem non petat, excitet illum ad eliciendum actum contritionis; de hujus Benedictionis efficacia ac virtute, si tempus ferat, breviter admoneat; tum instruat, atque hortetur, ut morbi incomoda ac dolores in anteactæ vitæ expiationem libenter perferat. Deoque sese paratum offerat

ad ultro acceptandum quidquid ei placuerit, et mortem ipsam patienter obeundam in satisfactionem poenarum, quas peccando promeruit.

Tum piis ipsum verbis consoletur, in spem erigens, fore ut ex divinæ munificentiae largitate eam poenarum remissionem, et vitam sit consecuturus æternam.

Postea dicat:

¶. Adjutorium nostrum nomine Domini.

R. Qui fecit cœlum et terram.

Antiphona. Ne reminiscaris, Domine, delicta famuli fui (*vel* ancillæ tuæ): neque vindictam sumas de peccatis ejus.

Kyrie, eleison. Christe. eleison. Kyrie, eleison.

Pater noster.

¶. Et ne nos inducas in temptationem.

R. Sed libera nos a malo.

¶. Salvum fac servum tuum (*vel* ancillam tuam, et sic deinceps).

R. Deus meus, sperantem in te.

¶. Domine, exaudi orationem meam.

R. Et clamor meus ad te veniat.

¶. Dominus vobiscum. ¶. Et cum spiritu tuo.

OREMUS

Clementissime Deus misericordiarum, et Deus totius consolationis, qui neminem vis perire in te credentem, atque sperantem: secundum multitudinem miserationum tuarum respice propitius famulum tuum N., quem tibi vera fides, et spes christiana commendant. Visita eum in salutari tuo, et per Unigeniti tui passionem et mortem, omnium ei delictorum suorum remissionem, et veniam clementer indulge: ut ejus anima in ora exitus sui te Judicem propitiatum inveniat, et in Sanguine ejusdem Filii tui ab omni macula abluta, transire ad vitam mereatur perpetuam. Per eudem Christum Dominum nostrum. R. Amen.

Tum dicto ab uno ex Clericis adstantibus, Confiteor, Sacerdos dicat: Misereatur., etc. Deinde:

Dominus noster Jesus Christus, Filius Dei vivi, qui beato Petro Apostolo suo dedit potestatem ligandi, atque solvendi, per suam piissimam misericordiam recipiat Confessionem tuam, et restituat tibi stolam primam, quam in Baptismate recepisti: et ego facultate mihi ab Apostolica Sede tributa, Indulgentiam Plenariam, et remissionem omnium peccatorum tibi concedo.

In nomine Patris ☧, et Filii, et Spiritus Sancti. Amen.

Per sacrosanctæ humanæ reparationis Mysteria, remittat tibi omnipotens Deus omnes præsentis, et futuræ vitæ poenias, Paradisi portas aperiat, et ad gaudia sempiterna perducat. Amen.

Benedicat te omnipotens Deus, Pater, ☧ et Filius, et Spiritus Sanctus. Amen.

Si vero infirmus sit adeo morti proximus, ut neque Confessionis generalis faciendæ neque præmissarum precum recitandarum tempus suppeditat, statim Sacerdos Benedictionem ei impertiatur.

FÓRMULA PARA LA BENDICIÓN PAPAL IN ARTICULO MORTIS EN TIEMPO DE PESTE

Utrum liceat in impertienda absolutione Generali Papali ad contagium evitandum uti brevissima formula, quæ legitur in Breviario Romano Romæ typis edito an. 1843, quæque ita se habet: *Indulgentiam Plenariam et remissionem omnium peccatorum tibi concedo. In nomine Patris et Fili et Spiritus Sancti. Amen.*

Resp. Affirmative in casu. S. R. C. 8 Martii 1879, Colonien.

DECRETO IMPORTANTE SOBRE LA FACULTAD DE DAR LA BENDICIÓN CON INDULGENCIA PLENARIA IN ARTICULO MORTIS

193. *Episcopus Tarantasiensis, mature perpensis decisionibus S. hujus Indulgentiarum Congregatio-*

nis de Benedictione in articulo mortis, et præsentim perpensa decisione 20 Septembris 1775, considerata ex alia parte quadam consuetudine, quæ in ea Diocesi invaluit circa subdelegationem Benedictionis, supplex Sacram hanc adiit Congregationem, quatuor dirimenda proponens dubia:

I. Utrum valida sit subdelegatio Benedictionis in articulo mortis impertienda facta modo generali, v. gr., in Cætibus ecclesiasticis, omnibus scilicet Presbyteris præsentibus, vel etiam aliis, qui curam animarum habent, licet Cætibus non adessent?

II. Utrum Episcopus subdelegare possit non solum omnes Parochos, sed etiam Vicarios, qui sëpissime loco Parochorum moribundos in extremo agone laborantes adjuvant, eisque Ecclesiæ Sacraenta ministrant?

III. Utrum responsio S. Congregationis diei 20 Septembris 1775 ad tertiam partem, intelligenda sit de subdelegatione facta singulis speciatim et in scriptis?

IV. Utrum facultas subdelegandi ad actum quemcumque Confessarium et a primo subdelegato eligendum, ut fertur in laudata decisione loc. cit., sit numerice exprimenda in ipsa concessione, seu in prima subdelegatione?

In Congregationi generali habita in Palatio Apostolico Vaticano, diei 15 Novembris 1878, Emi. Patres rescriperunt:

Ad I et II. Juxta Constitutionem Benedictinam, Pia Mater, Episcopus subdelegare potest ad benedictionem papalem cum Indulgentiæ plenariæ applicatione in articulo mortis, suis diocesans impertien-dam, unum vel plures Sacerdotes seculares aut regulares, quotquot pro numero animarum necessarios esse prudenter jùdicaverit.

Ad III. Negative, consultius tamen esse si subdelegatio fiat singulis speciatim et in scriptis.

Ad IV. Negative.

Factaque de his omnibus per me infrascriptum dictæ Congregationis Secretarium SSmo. D. N. Leonii Papæ XIII in audiencia diei 23 Novembris 1878 relatione, Sanctitas Sua S. Congregationis resolutio-

nem approbavit. Datum Romæ, ex Secretaria ejusdem Congregationis die et anno ut supra.— Al. Card. Oreglia a S. Stephano, Praef.— A Panici, Secretarius (1).

SS. D. N. Leo PP. XIII per Breve: Quo universi dat. die 7 Julii 1882 circa absolutionis tum generalis, tum in articulo mortis, tum Papalis benedictionis formulas sequentia decrevit:

I. Pro Absolutione in articulo mortis retineatur in omnibus formula præscripta in Constitutione same, Benedicti Papæ XIV. *Pia Mater*, addito tantum ad *Confiteor* nomine Sancti proprii Fundatoris. (Esta fórmula está en el número anterior 193.)

II. Benedictio Summi Pontificis nomine imperitienda detur cum formula approbata in Constitutione ejusdem sa. me. Benedicti Papæ XIV. *Exemplis Prædecessorum*, sed nonnisi bis in anno, et sub conditione quod hæc Benedictio numquam detur eodem die et in eodem loco, ubi Episcopus eam

(1) Prohibitum est infirmo in eodem mortis periculo permanenti, impertiiri pluries ab eodem vel a pluribus Sacerdotibus hanc facultatem habentibus Indulgentiam Plenariam in articulo mortis quæ vulgo Benedictio Papalis dicitur.

Item prohibitum est impertiiri pluries infirmo, in iisdem circumstantiis ac supra constituto, Indulgentiam Plenariam in articulo mortis ac pluribus Sacerdotibus hanc facultatem, ex diverso capite habentibus, puta ratione aggregationis Confraternitati Ssmi. Rossarii, Sacri Scapularis de Monte Carmelo, Ssmæ, Trinitatis, etc. S. C. Indulg. 5 Febr. 1841.— De modo que una vez dada la Bendición Papal in articuli mortis por cualquier Sacerdote facultado para ello, ya no puede darse otra bendición por ningún otro concepto, según acaba de declarar la misma S. Congregación, como puede verse en el Acta S. Sedis 1885, pag. 303.

Benedictio Apostolica in articulo mortis dari potest post collata extrema Sacraenta, quum periculum quidem mortis adest, non tamen imminens. S. C. Indulg. 18 Dec. 1885.

impertiat. (*Dicha fórmula se halla en la pág. 376, número 191.*)

III. In Absolutione generali pro Regularibus cujuscumque Ordinis, atque in Benedictione cum Indulgentia plenaria pro Tertiariis Sæcularibus adhibeantur omnino duæ in sequentes formulæ a Rmo. Assessore ipsius Sacrae Congregationis propositæ atque ab eadem approbatæ, abrogatis penitus et suppressis quibuscumque aliis formulis hucusque usitatis, videlicet:

FORMULA ABSOLUTIONIS GENERALIS PRO REGULARIBUS CUJUSCUMQUE ORDINIS HOC PRIVILEGIS FRUENTIBUS

Ant. Ne reminiscaris, Domine, delicta nostra, vel parentum nostrorum; neque vindictam sumas de peccatis nostris.

Kyrie, eleison.

Christe, eleison.

Kyrie, eleison.

R. Pater noster.

V. Et ne nos inducas in temptationem.

R. Sed libera nos a malo.

V. Ostende nobis, Domine, misericordiam tuam.

R. Et salutare tuum da nobis.

V. Domine, exaudi orationem meam.

R. Et clamor meus ad te veniat.

V. Dominus vobiscum. R. Et cum spiritu tuo.

OREMUS

Deus, cui proprium est misereri semper et parcere: suscipe deprecationem nostram; ut nos et omnes famulos tuos, quos delictorum catena constringit, miseratio tuæ pietatis clementer absolvat.

Exaudi, quæsumus Domine, supplicum preces, et confitentium tibi parce peccatis: ut pariter nobis indulgentiam tribuas benignus et pacem.

Ineffabilem nobis, Domine, misericordiam tuam clementer ostende: ut simul nos et a peccatis omnibus exuas, et a poenit, quas pro his meremur, eripias.

Deus qui culpa offenderis, poenitentia placaris: preces populi tui supplicantis propitiis respice: et flagella tuæ iracundiae, quæ pro peccatis nostris meremur averte. Per Christum Dominum nostrum. Amen.

Completis precibus, ab uno ex adstantibus dicitur Confiteor addito nomine proprii Fundatoris. Deinde Sacerdos dicit:

Misereatur vestri, etc. Indulgentiam, absolutio-
nem, etc.

Postea subjungit:

Dominus Noster Iesu Christus per merita sua Sacralissimæ Passionis vos absolvat et gratiam suam vobis infundat. Et ego auctoritate ipsius, et Beatorum Apostolorum Petri et Pauli et Summorum Pontificum Ordini nostro ac vobis concessa, et mihi in hac parte commissa, absolvo vos ab omni vinculo excommunicationis majoris vel minoris, suspensio-
nis et interdicti, si quod forte incurristis, et restituo vos unioni et participationi fidelium, nec non sacrosanctis Ecclesiæ Sacramentis. Item eadem auctoritate absolvo vos ab omni transgressione votorum et regulæ, constitutionum, ordinationum et admonitionum majorum nostrorum, ab omnibus poenitentiis oblitis, seu etiam neglectis, concedens vobis remissionem omnium peccatorum, quibus contra Deum et proximum fragilitate humana, ignorantia, vel malitia deliquistis ac de quibus jam confessi estis: In nomine Patris ☧ et Filii et Spiritus Sancti. Amen.

FORMULA BENEDICTIONIS CUM INDULGENTIA PLENARIA PRO TER
TIARIIS SÆCULARIBUS CETERISQUE OMNIBUS COMMUNICATIO
NEM PRIVILEGIORUM ET GRATIARUM CUM IISDEM, VEL CUM
REGULARIBUS CUJUSCUMQUE ORDINIS HABENTIBUS.

Ant. Intrel oratio mea in conspectu tuo, Domine; inclina aurem tuam ad preces nostras; parce, Domine, parce populo tuo, quem redemisti sanguine tuo pretioso, ne in æternum irascaris nobis.

Kyrie eleison, Christe eleison, Kyrie eleison.
Pater noster.

- ¶. Et ne nos inducas in temptationem.
R. Sed libera nos a malo.
¶. Salvos fac servos tuos.
R. Deus meus, sperantes in te.
¶. Mitte eis, Domine, auxilium de Sancto.
R. Et de Sion tuere eos.
¶. Esto eis, Domine, turris fortitudinis.
R. A facie inimici.
¶. Nihil proficiat inimicus in nobis.
R. Et filius iniquitatis non apponat nocere nobis.
¶. Domine, exaudi orationem meam.
R. Et clamor meus ad te veniat.
¶. Dominus vobiscum. R. Et cum spiritu tuo.

OREMUS

Deus, cui proprium est misereri semper et parcere: suscipe deprecationem nostram; ut nos, et omnes famulos tuos, quos delictorum catena constringit, miseratio tuae pietatis clementer absolvat.

Exaudi, quæsumus Domine, supplicum preces, et confitentium tibi parce peccatis: ut pariter nobis indulgentiam tribnas benignus et pacem.

Ineffabilem nobis, Domine, misericordiam tuam clementer ostende: ut simul nos et a peccatis omnibus exuas, et a poenitentiis, quas pro his meremur, eripiatis.

Deus qui culpa offenderis, poenitentia placaris:

preces populi tui supplicantis propitius respice, et flagella tuae iracundiae, quæ pro peccatis nostris meremur, averte. Per Christum Dominum Nostrum. Amen.

Dicto deinde:

Confiteor, etc. Misereatur, etc. Indulgentiam, etc.

Sacerdos prosequitur:

Dominus Noster Jesus Christus, qui Beato Petro Apostolo dedit potestatem ligandi atque solvendi, Ille vos absolvat ab omni vinculo delictorum, ut habeatis vitam æternam, et vivatis in sæcula sæculorum. Amen.

Per sacratissimam Passionem et Mortem Domini Nostri Jesu Christi; precibus et meritis Beatissimæ semper Virginis Mariæ, Beatorum Apostolorum Petri et Pauli, Beati Patris Nostri N. et omnium Sanctorum, auctoritate a Summis Pontificibus mihi concessa, plenariam Indulgentiam omnium peccatorum vestrorum vobis impertior. In nomine Patris ☩ et Filii et Spiritus Sancti. Amen.

Si hæc Indulgentia immediate post Sacramentalem absolutionem impertiatur, reliquis omissis, Sacerdos absolute incipiat a verbis: Dominus Noster Jesus Christus, etc., et ita prosequatur usque ad finem, plurali tantum numero in singularem immutato.

MODUS BENEDICENDI AQUAM S. IGNATII

(Pro societate Jesu approbatus a S. R. C. 30 Aug. 1886.)

194. ¶. Adjutorium nostrum in nomine Domini.
R. Qui fecit cœlum et terram.
¶. Sit nomen Domini benedictum.
R. Ex hoc nunc et usque in sæculum.
¶. Domine, exaudi orationem meam.
R. Et clamor meus ad te veniat.
¶. Dominus vobiscum. R. Et cum spiritu tuo.

OREMUS

Domine sancte, Pater omnipotens, æterne Deus, qui benedictionis tuæ gratiam ægris infundendo corporibus, facturam tuam multiplici pietate custodis, ad invocationem nominis tui benignus assiste ut intercedente beato Ignatio Confessore tuo, famulos tuos ab ægritudine liberatos et sanitatem donatos, dextera tua erigas, virtute confirmes, potestate tuearis, atque Ecclesiæ tuæ sanctæ cum omni posteritate restituas. Per Dominum nostrum Jesum Christum, etc. R. Amen.

Immergitur aquæ Numisma, seu Reliquiarium sancti Ignatii, et immersum tenetur usque ad finem hujus Orationis:

Bene ☩ dic, Domine, hanc aquam, ut sit remedium salutare generi humano, et per intercessionem beati Ignatii, cuius Numisma (*vel* Reliquiæ) in eam immergitur (*vel* immerguntur), præsta, ut quicunque ex ea sumpserint, corporis sanitatem et animæ tutelam percipient. Per Christum Dominum nostrum. R. Amen.

Educitur ex aqua Numisma seu Reliquiarium.

OREMUS

Deus, qui ad majorem tui nominis gloriam propaganda novo per beatum Ignatium subsidio militantem Ecclesiam roborasti: concede, ut ejus auxilio et imitatione certantes in terris, coronari cum ipso mereamur in cœlis. Per Dominum nostrum, etc. R. Amen.

FORMULA BENEDICTIONIS VEXILLI

cujuslibet Piæ Societatis

- ¶. Adjutorium nostrum in nomine Domini.
- R. Qui fecit cœlum et terram.
- ¶. Dominus vobiscum. R. Et cum spiritu tuo.

OREMUS

Domine Iesu Christe, cuius Ecclesia est velut castrorum acies ordinata: bene ☩ dic hoc vexillum, ut omnes sub eo tibi Domino Deo exercituum militantes, per intercessionem beati N. (*vel* beatæ N.) inimicos suos visibles et invisibles in hoc sæculo superare, et post victoriam in cœlis triumphare mereantur. Per te, Iesu Christe: Qui vivis et regnas cum Deo Patre et Spiritu sancto in sæcula sæculorum. R. Amen.

Deinde vexillum adspergatur aqua benedicta.

BENEDICTIO VESTIUM VOTIVARUM

Vestes votivæ nigrae habentur.

- ¶. Adjutorium nostrum in nomine Domini.
- R. Qui fecit cœlum et terram.
- ¶. Redemisti nos Domine in Sanguine tuo.
- R. Et fecisti nos Deo nostro regnum.
- ¶. Te ergo quæsumus, tuis famulis subveni.
- R. Quos pretioso Sanguine redimisti.
- ¶. Domine exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS

Domine sancte Pater omnipotens æternæ Deus a quo descendit omne bonum, et omne donum, tibi gratias referimus pro susceptis votis, et per merita pretiosissimi Sanguinis dilecti Filii tui Domini nostri Jesu Christi, ac per intercessionem Beatissimæ Virginis Mariæ præsta famulæ tuæ, quæ hanc vestem induerit, salutem mentis, et corporis, ut te Creatorem omnium recta fide colat, et in Filium tuum Unigenitum Redemptorem mundi spem suam confirmet, teque summum bonum super omnia diligit, ac sanctis mandatis tuis semper obediat, do-

nec ad æternam gloriam feliciter perducatur. Per eumdem Christum Dominum nostrum.

R. Amen.

Adspergatur aqua benedicta.

DECRETOS SOBRE CONCESIÓN Y ACUMULACIÓN DE INDULGENCIAS

195. *Ad tollendos varios abusus, quos in nonnullis regionibus adversus adeo salutarem Ecclesiae disciplinam inolevisse compertum est, propositi fuerunt in Congregatione generali habita in Palatio Apostolico Vaticano die 14 Decembris 1877 sub forma sequentia dubiorum.*

1. Potesne Episcopus vel alius quicumque Prælatus eidem actui pietatis sive eidem pio Sodalitio, cui a Romano Pontifice jam Indulgencie sive plenariae sive partiales concessæ sunt, alias Indulgencias adiungere? Potesne Crucibus, Coronis, sacris imaginibus a Papa vel Sacerdote legitima facultate munito benedictis, novas adnectere Indulgencias?

2. Potesne Episcopus fidelibus Diœcesis non sua Indulgencias concedere si Ordinarius loci consentit? Potesne tolerari hujusmodi praxis si nihil aliud intenditur nisi ut per majorem numerum Prælatorum Indulgencias concedentium summa dierum Indulgenciarum eidem actui devoto adnexarum multiplicetur?

3. Potesne Episcopus eidem rei vel eidem actui pietatis, cui jam Antecessor Indulgencias adnexuit, novas Indulgencias applicare?

4. Potesne Episcopus in partibus infidelium, quamvis auxiliarius Ordinarii alicujus Diœcesis, Indulgenciam quadraginta dierum concedere sicut Diœcesanus.

5. Potesne Episcopus quin limites sui juris excedat ad augendas Indulgencias eumdem actum pietatis in partes dividere et ex. gr. pro omni verbo Salutationis Angelicæ quadraginta dies Indulgenciarum concedere?

6. Potesne Delegatus Apostolicus virtute facultatum quas a Summo Pontifice accepit in concedendis Indulgenciis concurrere cum uno vel altero Episcopis

territoriis Delegationis suæ ut idem objectum veleumdem actuum pietatis Indulgenciis ditet?

7. Prælati, quibus privilegio Apostolico data est facultas concedendi in quibusdam solemnibus festivitatibus per annum Indulgencias plenarias, debentne hac facultate uti per modum actus toties quoties talis solemnitas occurrit an vero possunt unica concessione eamdem Indulgenciam extendere ad omnes solemnitates periodo annorum recurrentium aut in perpetuum?

R. Ad primum, Negative, nisi novæ conditiones adimplendæ præscribantur.

Ad secundum, Negative ad utrumque.

Ad tertium, Negative.

Ad quartum, Negative.

Ad quintum, Negative.

Ad sextum, Consultius ut se abstineat.

Ad septimum, Affirmative ad primam patem. Negative ad secundam.

Facta autem per infrascriptum Sac. Congregationis Secretarium Sanctissimo Domino Nostro Pio Papæ IX relatione in audiencia habita die 10 Januarii 1878. Sanctitas Sua prædictas responsiones probavit et publicari mandavit.

Datum Romæ ex Secretaria Sac. Congregationis die 12 Januarii 1878.—Al. Card. Oreglia. A. S. Stephano Præf.—A. Panici, Secretarius.

TITULUS IX

CAPUT PRIMUM

DE PROCESSIONIBUS (1)

196. 1. Publicæ sacraeque Processiones, seu supplicationes quibus ex antiquissimo SS. Patrum instituto Catholica Ecclesia vel ad excitandam fide-

(1) Créese que las procesiones son de tradición apostólica.—Se ordenan ad instar exercitus modestæ et devote vexillum et Crucem præferendo. Macri, *Hyerolexicon Sacrum*.